

سنة لى در سعادت ايجون مجديه
يكرمى غروش حسابيله التمش
غروشدر

طشره ايجون بوسته اجرتى اوله رق
اون بش غروش ضم اولنور

نسخه سى ۴۰ پاره در

فكر ديك محاکمات عليه

آبونه اولمق ايستينلر دائره عدليه ده
اداره مخصوصه سنه مراجعت
ايتليلدر

اعلاماتك بهرندن بر مجديه اخذ
ايديلور

نسخه سى ۴۰ پاره در

هفته ده ايكي دفعه جمعه ايرتسى و چهارشنبه كونلرى نشر اولنور. محتوياتى امور عدليه به متعلقدر

تبليغات

پرشته لى احمد و شاكر اغالرك اعشاردن متولد
دينلرينك تسويه سى ضمنده و ولچترين قضاسى بدایت
محكمه سى اجرا دائره سنجه حجز آلتنه آلان ذخيره -
لرينك بالمزايده اجرا قلنان احاله قطعيه سنى متعاقب
مشتريه تسليمندن اول مرقومانك دينلرينى تسويه
ايلش و حجز موضوعك فككى استدعا ايلش
اولدقلى حاله دائره مذكوره جه طلب واقعك
رديله ذخائر مذكوره دن بر قسمك مشتريه تسليمى
يولنده جريان ايدن معامله نك اصوله مخالفتندن بخلة
استفسار كيفيتى متضمن مناستر و قوصوه ولايتلى عدليه
مفتشلىكندن وارد اولان تحريرات اوزرينه انجمن
عدليه دن تنظيم واعطاء قلنان مذكوره ده: دوا اجرايه جه
موقع مزايده قونيلان اموال منقوله وغير منقوله نك
مشتريه نامنه اجرا قلنان احاله قطعيه سنى متعاقب
متخذ اولان اصول ايجانجه صوك دفعه اولمق اوزره
مديونه با اخبار نامه معلومات و يريلوبده دينى تسويه
وايفادن كافى السابق امتناعى و قوعنده اموال منقوله نك
مشتريه تسليمى وغير منقولاتك دخى طالبي نامنه
سند رسميسنك تنظيمى اموال غير منقوله نك كيفيت
فروختى و اعلاماتك صور تفذيده سنى مابين اولان
قوانين مرعيه احكامندن اولمسيله معاملات جاريه نك
شو اصول و قانونه موافقى حالنده سالف الذكر
اخبار نامه ده معين مدتك انقضاسندن صكره بادی حجز
اولان دينك كرك طوغريدن طوغرى به دائره اجرايه
و كرك دايه توديع و تسليم ايدلش اولسه بيله اموال
محجوزه نك مديونه اعاده سى مجاز اوليوب انجق محلى
اجرا دائره سنك اوراق ميانده بولنان در كنارندن
منفهم اولدينى اوزره بوماده ده احاله قطعيه سنى
متعاقب على الاصول اخبار نامه تبايغيله مرقومان احمد
و شاكر اغالرى تسويه دينه دعوت ايتكمسزين ذخائر
محجوزه نك مشتريه تسليمى جهته كيتمش و شوصره ده
مرقومانك دخى مال صندوقه دينلرينى تسويه ايله
حجزك فككى استدعا سيله دائره اجرايه مراجعتلى

محاکمات و مقررات

و قوعبولش اولمسيله نظراً ذخائر مذكوره نك صاحبلى به
رد و تسليميله اصوله مخالفتى دركار اولان معامله نك
تعديل و اصلاحنه جواز قانونى موجود اولدينى حاله
خلافى صورتده التزام و اجراسى يولسز كورنمش ايسه ده
اليوم بر مقدارى حال محجوزيتده بولنان ذخائر حقنده
بو وجهه تعديل و اصلاح معامله اولنسى هرايكي طرفك
ضرر واقعدن طولايى اشتكا عن الحكام طريقه ترتب
ايد جهك مسئوليتى درعهده ايتش اولان محلى اجرا
مأ مورينه عائد و ظانفدن بولنش اولديغندن اكا كوره
ايفاي مقتضاسى خصوصنك رياست مزبوره به تبليغى
ضمنده مذكور مفتشلكه تحريرات جوابيه تسطيرى
افاده قلمشدر.

كوركه ولد استاقونك كيفيت قتلندن طولايى
جنايته اتهام اولنان كيلان قضاسنه تابع بوصوان
قريه سندن امين بن مالك اون بش سنه مدته
كوركه قونلشنه دائر پرشته سنجانجى بدایت محكمه سى
جزا دائره سندن و يريلان ۱۶۰ نومرولى اعلام
احمد اغالرك انبارندن حنطه سرقت ايتلرندن
طولايى جنايته اتهام اولنان عبد القادر بن درويش
وامين وشويش اوغلى عبد القادر و حاجى مرزومك
اوغلى ديكر عبد القادر و شربجى على و خالدك اوچر
سنه مدته كوركه قونلر به دائر ديار بكر ولايتى استيناف
محكمه سى جزا دائره سندن و يريلان ۶۴ نومرولى
اعلام

يكيجه قصبه سندن درويش اغالرك قتلندن طولايى
جنايته اتهام اولنان ابراهيم افدى ابن حسنك التى
سنه مدته كوركه قونلشنه دائر سسلانيك ولايتى
استيناف محكمه سى جزا دائره سندن و يريلان ۱۰۳
نومرولى اعلام

كوبرى قضاسنه تابع قبلان قريه سندن نقر اوغلى
قوسطنك انناى راهده اموالى غصب اولنمشندن
طولايى جنايته اتهام اولنان ولى عثمان اوغلى على نك

دورت سنه مدته كوركه قونلشنه دائر اماميه سنجانجى
بدایت محكمه سى جزا دائره سندن و يريلان ۱۴۳
نومرولى اعلام

سفر بيمصار قضاسنه تابع صيفه جنى ناحيه سندن
ابراهيم اوغلى نجيبك قتلندن طولايى جنايته اتهام
اولنان قره مصطفى بن على نك اون بش سنه مدته
كوركه قونلشنه دائر آيدن ولايتى استيناف محكمه سى
جزا دائره سندن و يريلان ۳۳۰ نومرولى اعلام
سيواسك عمارت محله سندن زينل اوغلى احمدك
خانه سندن و قوعبولان سرقتدن طولايى جنايته اتهام
اولنان لالىق اوغلى حسينك دورت سنه مدته كوركه
قونلشنه دائر سيواس ولايتى استيناف محكمه سى جزا
دائره سندن و يريلان ۱۲۴ نومرولى اعلام

صندرى قضاسنه تابع ققى قريه سندن محمد
اوغلى مصطفىانك قتلندن طولايى جنايته اتهام
اولنان كوچك محمد اوغلى خليلك اون بش سنه مدته
كوركه قونلشنه دائر قره سى سنجانجى بدایت محكمه سى
جزا دائره سندن و يريلان ۳۴۷ نومرولى اعلام

مغنيساده كورخانه محله سندن قصاب اوغلى احمدك
ضرباً قتلندن طولايى جنايته اتهام اولنان حاجى
مصطفى اوغلى عيسانك بش سنه مدته كوركه
قونلشنه دائر صاروخان سنجانجى بدایت محكمه سى جزا
دائره سندن و يريلان ۱۸۰ نومرولى اعلام

يوروك محمد على نك قتلندن طولايى جنايته اتهام
اولنان على اسماعيلك بش سنه مدته كوركه قونلشنه
دائر منتشا سنجانجى بدایت محكمه سى جزا دائره سندن
و يريلان ۱۰۵ نومرولى اعلام

مناستر قضاسنه تابع تفوجان قريه سندن لازورك
ماده قتلندن طولايى جنايته اتهام اولنان لازور ولد
رسته نك اون بش و معين قاتل كوركى ولد فوطه نك
دورت سنه مدته كوركه قونلر به دائر مناستر
ولايتى استيناف محكمه سى جزا دائره سندن و يريلان
۶۱ نومرولى اعلام

دوملو قضاسى اهالي سندن حاجى جعفر اغالرك
خانه سندن و قوعبولان سرقتدن طولايى جنايته اتهام

اولنان عیسی اوغلی علی و برادری خلیل و ابراهیم نام اشخاصک اوچر سنه مدتلره کورکه قونلیرینه دائر قیصریه سنجانجی بدایت محکمه سی جزا دائره سندن ویریلان ۴۲ نومرولی اعلام

کمرادرمید قضاسنه تابع حصار قره سندن محمدک قتلدن طولانی جنایتله اتهام اولنان طوبال محمد اوغلی خلیلک اون بش و معین قاتل ملاحسن و عثمانک بشر سنه مدتلره کورکه قونلیرینه دائر قره سی سنجانجی بدایت محکمه سی جزا دائره سندن ۳۷۵ نومرولی اعلام محکمه تمیز جزا دائره سنجه تصدیق اولمشدر .

درسمادت جنایت محکمه سندن تنظیم واعطا قلنان اعلامدر :

اوچوز اون طقوز سنه سی جزیرانک بکرمی طقوزنجی بازار کیجیسی ساعت درت راده لرنده حیدر پاشاده باسقالک غازیونسنه اسکيجی احمدی جرح و قتل و باسقالی جرح و ضرب ایتدکری ادا سیله مظنون علیهم اولان حیدر پاشاده حاجی میناسک غازیونسک اوزرنده کی اولته بش نومرولی او طه ده مقیم و محل مذکورده شمدوفر اداره سنده غاردوفرن بکرمی بش باشنده آستانه لی شکری بن علی واسکدارده دباغلر محله سنده او طرلر ایچنده نومروسز خانه ده ساکن وقاضی کوبنده بازار بولنده صندوقی اوتوز درت باشنده چربانی مصطفی بن حسین وقاضی کوبنده بازار جاده سنده متصرف اولدینی خانه ده مقیم بکرمی ایکی باشنده یورغانچی محمد بن کامل وقاضی کوبنده یکمز اوغلی ترلاسنده اقامته قوش دلینده غازیونجیک ایدن بکرمی بش باشنده آستانه لی امین بن وهینک جنایتله اتهاملرینه دائر هیئت اتهامیه دن تنظیم قلنان مضبطه ایله استیناف مدعی عمومیلکنک ۲۷ تشرین ثانی سنه ۱۳۱۹ تاریخی اتهامنامه سی اوراق متفرعه سیله برابر محکمه جنایتیه تودیع قلمغه بالمطالعه تفصیلاتی اولباده طوبیلان ضبطنامه دن مستبان اوله جفی وجهه اصول محاکات جزایه قانونک باب نایسنک فصل رابنده محرر اولان معاملات ابتداییه بعدالایفا متهملرک اجرای عاکله لری ضمنده کانون اولک بکرمی یدنجی جمعه ایرتسی کونی تعیین قله رقی یوم مذکورده متهملر توقیفخانه دن کتوردیلره رک وکیلری شابوح افندی وحسنی بک و آرتین زلیجیان و خریساتوس افندیلر واستیناف مدعی عمومیلکی معاد و نلرندن عزت لومظهر بک و مدعی شخصی باسقال حاضر اولدقاری حالد محاکمه علنیه مبادرت و متهملر ایله وکیللرینه اختارات قانونیه ایضا قلندقدن صکره هیئت

اتهامیه مضبطه سیله اتهامنامه ضبط کاتبی سلیمان افندی طرفندن قرائت اولندی .
مذکور مضبطه ده مظنون علیهم محمد و امین و مصطفی و شکریک اسکيجی احمدی جرح و قتل و باسقالی ضرب و جرح ایتدکری حقه ده اوراق تحقیقه ده محرر دلائل و امارات اتهاملرینه کافی کورلش و حرکتلری قانون جزانک بوزتیش دردنجی ماده سنک فقره اولاسی حکمی مستلزم افعال جنایه دن بولنش اولدیفندن جنایتله اتهاملرینه قرار ویرلدیکی محرر و اتهامنامه ده دخی مرقومونک مضبطه مذکورده مندرجاتی وجهه متهمل اولدقاری مسطرده اتهامنامه نک خلاصه سی جانب ریاستدن متهملره تفهیم و توضیح و معاون مومی الیه جانبسندن دخی دعوانک تشریح اولتسی معقب متهملر سولتدیرلد کلرنده بوللردن امین دارالعجزه مأموری اسماعیل افندیکنک دعوتیه مبنی کندوسی و محمد و مصطفی اوچی برلکده حیدر پاشاده کائن باسقالک میخانه سنه کیدرک او طوردقاری و مذکور میخانه دروننده دیگر بر ماضه ده مقتول احمد و دیگر بر شخص ایله او طوروب عشرت ایتدکده بولنان شکریکنک دعوتی اوزرینه جله سی یانلیرینه کیدرک برلکده عشرت ایتدکری و او ائشاده طیشاروده بریاطردی اولغله باقدقارنده بریسنک ایغی قیرلش اولدیفنی اکلادقاری و ایکی شاهلی شخص دخی یانلیرینه کلوب برلکده اقامتلری صرعه ایچلرندن محمدک چالغیچیلره آتمقه اولدینی بارونی آلق اوزره اکیلدیکنده یاننده بولنان بیخاگک اوچی چاکتکک جینندن چیقمقه ایچلرندن مذکور بیخاگی آلق ایستیان محمد مخالفت ایتش ایسه ده مصطفی اوزرندن بیخاگی آلدیفنی و میخانه دن قالقوب کیده جکری ائشاده میخانه جی باسقالدن بورجلری صوره رقی بکرمی غروش و بردکری حالد مرقوم باسقالک باره نک نقصان ویرلدیکندن بجنه اطاله لسانه باشلامسی اوزرینه کندوسیده توقاله باسقاله اولدیفنی و باسقال دخی آرقه سندن چاکتی آله رقی بوفیه آلدینی صرعه ده مصطفی بالورود کیده دمیسله طیشارو چیقدقارنده مقتول احمدک حوضدن چیقارلقده اولدیفنی کوردکلرندن کندوسیده احمدی حوضدن چیقارانله معاونت ایتدیکنی و مقتول احمدی طانیدینی وارقداشی اولدیفنی و احمدی و باسقالی کندوسی جرح ایتدیکنی و احمدک جرح ایدلیدی ائشاده کندوسی بوفیه باسقال ایله منازعه ایتدکده بولندیفنی و زیاده جه سکر حال ایدوکندن کندوسندن معاد باسقالی ضرب ایدن اولوب اولدیفنی بیلمدیکنی بیان ایتدی . محمد مصطفی و امین ایله اوچی برلکده باسقالک میخانه سنه کیدرک شکریکنک او طورمقه اولدینی

ماضه ده عشرت ایتدکری و میخانه نک الت قاتنده چالنی چالتمقه ده اولدیفندن اشاغی ایتله دنیلمش ایسه ده زیاده جه سکر حال اولدیفندن ایتوب ایتد کارنی بیلمدیکنی و فرداسی سکری زائل اوله رقی قره غولخانه ده اولدیفنی کوردیکنی و کندوسنک امیندن بیخاگی الدیفنی و احمد ایله باسقالی کیمک جرح ایتدیکنی بیلمدیکنی درمیان ایدلی .
مصطفی و محمد و امین ایله باسقالک میخانه سنه کیدرک شکریکنک بولندینی ماضه ده جله سی عشرت ایتدکری و چالنی دیکلدکری و عشرت بدلدن طولانی محمد و امین ایله باسقالک منازعه ایتدکری صرعه بریسی حوضه دوشدی دنیلدیکنی بیان ولدی السوال مقتول احمدی اورالرده کورمکه اولدیفنی و محمد و امین ایله باسقالک منازعه ایتدکری ائشاده جله سی اباغه قالدق قاری کی احمد دخی منازعه ایدنلری قرقه چالشدیفنی و باسقال ایله منازعه و قوعیلدینی صرعه امینک ائله بیخاگی کورمش ایسه ده قالی اولوب اولدیفنه دقت ایتدیکنی و کندوسی امیندن بیخاگی الدیفنی ایتیان و متهملردن محمد کندوسی باسقال ایله منازعه ایتدیکنی و زیاده سکر حال اولدیفندن نه اولدیفنی بیلمدیکنی درمیان ایدیلر .
دیگر متهمل شکری و قه کونی اخشام اوزری باسقالک میخانه سنده او طورمقه ایکن محمد و امین و مصطفی کله رک جله سی برلکده عشرت ایتدکری و چالنی دیکلمک اوزره اشاغی ایتوب او طوردقاری ائشاده کلان ایکی روم ایله کندوسی قوتوشور ایکن باشک باندن ایکی قدح آتیه رقی بریسی اوموزینه طوقدیفنی وارقداشلیرنه چالغیچیلریمی آتیورسکرز دیکدیکنده برهوا چاللری تکلیف ایتدکری حالد چالقدقاری بیسان ایتدکری و بوضرعه میخانه جی باسقال بالورود عبیدر دیمیسله امینک قالقه رقی باسقاله برتوقات اولدیفنی و محمد ایله امین حساب کورمک اوزره دستکاه یانه کیتدکلرنده یاننده او طورمقه بولنان مقتول احمد قالقه رقی نه یایدقاری اکلایمق اوزره دستکاه طرفه کیتدیکنی و محمد کله رک باسقال ایله امینک ذیل منازعه سی ایتدکری سولیدیکنی و مقتول احمد و مصطفی و امین حوضک یانه کیتدکری صرعه اهالی پولیس دیو فریاده باشلادیفنی و صکره پولیس قومیسری توفیق افندی کله رک محمد و امین و کندوسی قره غولخانه ده کتوردیکنی و منازعه دن مقدم ارقداشلیرنک چالغیچیلره باره آتقدقاری و کندوسی کیسه ده بیخاگی کورمیدیکنی و احمد ایله باسقالک نه صورته جرح ایدلیدیکندن معلوماتی اولدیفنی و کندوسنده بیخاگی بولندیفنی بیان و متهمل مصطفی و محمد دخی اوزرلرنده بیخاگی بولندیفنی درمیان ایتدیلر .

مدعی شخصی باسقالدن استیضاح مسئله ایدلکده و قه کیجیسی متهملرک عشرت ایتدکده اولدقاری ائشاده ساعت اوچ راده لرنده غارسون کله رک متهملرک منازعه ایده جکری سولیکله باقدیفنده منازعه به باشلامش اولدقاری کوردیکنی جهله یانلیرنه کیدوب عبیدر دیکدیکنده ایچلرندن محمدک کندوسنه برتوقات اولدیفنی و طلعت بک کلوب کندولری قرقه چالشمقه ایکن امین کندوسنک اوزرینه دوشدیکنی و او ائشاده دیگر اشخاصک حوضدن بریسنی چیقار مقده و کندوسی ابتدا متهملرک یانه کیتدیکنی زمان امین و محمد و مصطفی و شکری و مقتول احمد جله سی منازعه ایتدکده اولدقاری کوردیکنی و احمدی کیمک اولدیفنی بیلمدیکنی و جرح ایدلکدن صکره احمدک برشی سولیدیکنی دخی ایشتمدیکنی و کندوسی متهملر طرفندن ضرب ایدلیدی ائشاده ارقه جهتندن وقا ائندن جرح ایدلش ایسه ده کیمک جرح ایتدیکنی بیلمز ایدوکنی افاده ایدلی .
(مابعدی کله جک نسخه به)

مینایی ضرب ایتدیکنی ادا قلنان یورکینک فعل مذکورده جرانی ثابت اوله مدیفندن برائته
مخله آره سنده سلاح آتقدقاری ادا قلنان اسماعیل ایله فهمینک فعل مذکورده جرانی ثابت اوله مدی یقندن برائتیرنه
سر سربلیکی ادا قلنان مصطفانک فعل مذکورده جرانی ثابت اوله مدیفندن برائته
قوه خانه سنده قار اویناندینی وحسنی دخی ضرب ایتدیکنی ادا قلنان حسین چاوشک فعل مذکورده جرانی ثابت اوله مدیفندن برائته
مخله آره سنده سلاح آتدینی ادا قلنان حکمتک فعل مذکورده جرانی ثابت اوله مدیفندن برائته
اقتیمایی ضرب ایتدیکنی ادا قلنان میخالک فعل مذکورده جرانی ثابت اوله مدیفندن برائته
یکدیگر یله مضارب ایتدکری ادا قلنان ماقس ایله یاقونک فعل مذکورده جرانی ثابت اوله مدیفندن برائتیرنه
سر سربلیکی ادا قلنان باندلینک فعل مذکورده جرانی ثابت اوله مدیفندن برائته
ام کلشوم خانی ضرب ایتدیکنی ادا قلنان یعقوبک فعل مذکورده جرانی ثابت اوله مدیفندن برائته
سر سربلیکی ادا قلنان سعبک فعل مذکورده جرانی ثابت اوله مدیفندن برائته
علی اغایه اطاله لسان ایتدیکنی ادا قلنان ستراک فعل مذکورده جرانی ثابت اوله مدیفندن برائته

علقوی ضرب و جرح ایتدیکنی ادا قلنان آرسیدینک فعل مذکورده جرانی ثابت اوله مدیفندن برائته
پولیس حسین افندی به حقاتر ایتدیکنی ادا قلنان یورکینک فعل مذکورده جرانی ثابت اوله مدی یقندن برائته
برسقوطینک خانه سندن اشیا سرقت ایتدیکنی ادا قلنان قوچونک فعل مذکورده جرانی ثابت اوله مدی یقندن برائته
خرستونی ضرب و جرح ایتدیکنی ادا قلنان یانینک فعل مذکورده جرانی ثابت اوله مدیفندن برائته
مصطفای ضرب ایتدیکنی ثابت اولان قاسمدن بر آلتون الهرق مضروب اعطاسنه
محمدی ضرب ایتدیکنی ثابت اولان محمد علی دن بر آلتون الهرق مضروب اعطاسنه
طومه افندی به اطاله لسان ایتدیکنی ثابت اولان مارغوصک سکر کون حبسنه
حسن کامی افندیکنک بارکیی سرقت ایتدیکنی ثابت اولان طالبک ایکی ماه حبسنه
محبوبه خانی ضرب ایتدیکنی ثابت اولان علی افانک برهفته حبسنه
عنانی جرح ایتدیکنی ثابت اولان عبد اللهک درت ماه حبسنه
یورکینک قوندره لری سرقت ایتدیکنی ثابت اولان طومه نک اوچ ماه حبسنه
میقایی ضرب ایتدیکنی ثابت اولان اورامدن بر بر آلتون الهرق مضروب اعطاسنه
سرکز افندی ضرب ایتدیکنی ثابت اولان ایساقک اون بش کون حبسنه
میساقی ضرب ایتدکری ثابت اولان حمزه ایله علی نک اوتز کون حبسیرنه
کرکردن دانسه سرقت ایتدیکنی ثابت اولان یروانتک اوچ ماه حبسنه
قسطنی ضرب ایتدیکنی ثابت اولان خرسودن بر آلتون الهرق مضروب اعطاسنه
حسنی ضرب ایتدیکنی ثابت اولان دیمترینک اون بش کون حبسنه
النهی ضرب و جرح ایتدیکنی ثابت اولان نیشانک اون کون حبسنه
قدیری ضرب ایتدیکنی ثابت اولان نعمانک بر هفته حبسنه
دقراک ترابنده فلک دکانشدن اچیه سرقت ایدلیدی ثابت اولدیفندن درت آی حبسنه

پولیس خالد افندی به اجرای وظیفه حالنده حقاتر ایتدیکنی ثابت اولان النی دن بر آلتون جزای نقدی اخذینه
پولیس نوری افندی ضرب ایدن یانینک اون کون حبسنه
محمد ایله خالدک نوری ضرب ایدلکری ثابت اولدیفندن اوتز کون حبسیرنه
علاء الدینک حسینک پاره سنی سرقت ایدلیدی ثابت اولدیفندن اوچ آی حبسنه
رفقه نک استیری ضرب ایدلیدی ثابت اولدیفندن ایکی لیرا الهرق مضروب به اعطاسنه
کریا کیجه ایله پراشکوپچنک مضارب ایدلکری ثابت اولدیفندن بر هفته حبسیرنه
بیخانک علی اوستیه تشهر سلاح ایدلیدی ثابت اولدیفندن برهفته حبسنه
بکچی حسین اغای ضرب ایتدیکنی ثابت اولان عادل افندی بر آلتون الهرق مضروب اعطاسنه
درسمادت ، بک اوغلی و اسکدار بدایت محکمه لری جزا دائره لرینجه قرار ویرلشدر .

محاکمات ابتداییه

مجیدیه قضای بدایت محکمه سی اعضاسندن علی افندیکنک اخذرشونه وظیفه مأموریتی سوء استعمال ایدلیدی اقره وقویه ولایتلری عدلیه مقتشکلکندن وارد اولان اوراق تحقیقه مندرجاتندن اکلاشلمش اولغله اجرای محاکمه سنه عدلیه نظارت جلیله سندن مأذونیت ویریلره ک محکمه تبلیغات مقتضیه اجرا قلتمشدر .

اعلانات

ایکلی تجارت محکم سنده :

درسمادت سرکه جیده مقیم ایکن ایکنجی محکمه تجارتدن افلاسنه حکم اولنش اولان تیور تجارتندن کلنکیان ساریان شرکتک خصوصات افلاسیه سنک رؤیت و تسویه سی ضمنده دعوی وکیللرندن مهران کوریه بان و اوخالس باراویان افندیلر اصالة سندیک تعیین قلنش اولدقارندن مفلس مرقوم ذمتنه الهجی اوللرک قانوننامه تجارتک ۱۹۹ و ۲۰۰ نیمی ماده لری موجبجه تحقیق دیون تاریخ اعلاندن اعتباراً بکرمی برکون طرفنده سندات محکمه کاتنه تسلیم ایللری ومدت مذکورده ختامندن صکره اوچ کونده

یعنی ۶ و ۷ و ۹ نisan سنه ۳۲۱ چهارشنبه و پنجشنبه و جمعه ایرتسی کونلری ایکنجی محکمه تجارتک مصالح افلاسیه رؤیتنه مخصوص اوطه سنه کله رک سندیک افندیلر مواجهه سنده اله جقلری اثبات و قید و تصدیق ایتدیملری و مدت مذکوره ده اثبات وجود ایده میان اله جقلولر حقنده قانون مذکورک ۲۱۰ نجی ماده سنه توفیقاً ایفای معامله اولنه جنی اعلان اولنور .

در سعادت ایکنجی تجارت محکمه سنده :

جلال بك خاندنه مقیم تجارتدن ی . وارطانیان و ا . شادان قومانییه سی طرفدن اقدجه چکمهجه کیرده کائن فابریقه سنده ساکن ایکن الیوم اقامتکاهی مجهول عثمانلی انونیم کبریت شرکتی مدیری موسیو ژم علیه اقامه ایلدیکی دعوی اوزرینه یوز یکریمی سکر لیرا ایکی غروشک مع فائض و مصارف محاکمه شرکت مرقومه یه اضافله مدیری موسیو ژم مدن تحصیل حکمتی متضمن در سعادت ایکنجی تجارت محکمه سنندن استحصال ایلدیکی ۱۲ مارت سنه ۳۲۱ تاریخ و ۴۵۳ نومرولی اعلام غیابینک بر قطعه صورت مصدقه سی محکوم علیه شرکت مدیری موسیو ژم مک اقامتکاهی مجهول اولسی حسیله اصول محاکمه حقوقیه قانوننک ۱۴۹ نجی ماده سنک فقره اخیریه سی موجبجه تبلیغ ایدلمش عد اولنق اوزره محکمه مزبوره دیوانخانه سنه تعلیق ایلدیکی کبی اوراق حوادث واسطه سیله دخی اعلانه ایتدار قلندی .

اعلامات نظامیه اجرا داره سنده :

عدد	
۱	اوزری قرمزى جلا قیلامه و درت کوزلی
	مع مرمر قونسول
۱	اوزری قوش رسمی قونسول آینه سی
۱	عادی تحت ماصه
۳	عادی تحت سیفاره ماصه سی
۴	رسم لوحه سی

الیس قادینک با اعلام نظامی مرانغوز دیران چابلاقیان ذمتده کی محکوم به الاجغه مقابل حجر آلتنه النان بالاده نوع و جنسی کوستریلان بش قلم اشیا نك تاریخ اعلاندن اعتباراً اوج کون صکره یعنی شهر حال رومینک اون طقوزنجی جمعه ایرتسی کونی ساعت یدی راده لرنده چارشوی کیرده بات بازاری یول کچن خاندنه بالمزایده فروخت اولنه جنی در سعادت اعلامات نظامیه اجرا دائره سنندن اعلان اولنور .

علی رضا افندینک متوفی نجیب اغا وره سنندن

کریمه سی فاطمه خانم ذمتده محکوم به آله جنی اولان مبالغه مقابل مرهون و فروختی محکوم بولنان اقسرایده اوروج غازی محله سنده کوپری زقاغنده تخمیناً طقسان آرشون عرصه اوزرینه منی اوج قادن عبارت بش اوطه و بر صوفه و بر مطبخ و بر قیو واون سکر آرشون مقداری آرانی حاوی بش نومرولی برباب خانه نك تمامی بالمزایده لیرا یوز غروش حسیله اون بیک بش یوز غروشده طالبی عهده سنده تقرر ایدرک موقه قرار داده سی کشیده قلنمش اولدیغندن یوزده بش ضم ایله زیاده طالب اولانلرک پی آچهلرله برابر اوتوز برکون ظرفنده مراجعت ایللری در سعادت اعلامات نظامیه اجرا دائره سنندن اعلان اولنور .

بك اوغلی بدایت محکمه سی اجرا داره سنده :

مالیه خزینه جلیله سنک سیواس والی سابق متوفی حسن پاشا ذمتده آله جنی اولوب بك اوغلی بدایت محکمه سی برنجی حقوق دائره سی اعلامیه وره سنندن تحسیله حکم و قرار ویریلان معلوم المقدار مبالغت تأمین استیفاسی ضمننده مدیون متوفای مشار الیه عهده سنده مقید اسکدارده قیسقیلده کوچک چاملیجه جاده سنده بر و اوج نومرولر ایله مرقم بر طرفی نوری بك افندی حضر تلرینک باغچه سیله کوشکی وایکی طرفی صبحی پاشا وره سی ترلا سیله کوشکی و طرف رابی کوچک چاملیجه جاده سیله محدود مقاطعه لو وقف خراب بر قطعه باغک زمینی ملک کرومنک اوچپوز سکسان درت سهم اعتباریه یوز اوج سهمنه اصابت ایدن اون بر بیک درت یوز التمش یدی ذراع محلی لدی المزایده بش بیک بش یوز غروش آلتون آچقه بدل ایله طالبی عهده سنده تقرر ایدوب موقت قرار داده سی چکلمش اولقله اشبو اعلاندن اعتباراً اوتوز برکون صکره یعنی بیک اوچپوز یکریمی بر سنه سی نisanنک اون بشنجی جمعه کونه قدر یوزده بش ضمیله زیاده طالب اولانلرک یوزده اون نسبتنده کی دیپوزیتو آچهلرینی مستصحباً بك اوغلی اجرا دائره سنه مراجعت ایللری و قرار داده قطعیسی چکلمک اوزره یوم مذکورده ساعت سکر یحقی راده لرنده محل مذکورده مأموری مواجهه سننده حاضر بولنلری اعلان اولنور .

آغیازاریان قره کین افندینک صوتیری قلفه ذمتده بك اوغلی بدایت محکمه سی برنجی حقوق دائره سی اعلامیه محکوم به آله جنی اولان یوز یکریمی یدی عدد عثمانلی لیراسی و یکریمی یدی غروشک مع فائض و مصارف محاکمه تأمین تسویه سی ضمننده مدیون مرقومک عهده تصرّفنده اولوب داین نامنه

فراغ بالوفا ایله مرهون و فروختی محکوم بولنان بوغاز ایچنده صاری یارده بازار باشی جاده سنده کائن درینلکی اون اوج آرشون اون اوج پرمق و عرضاً بش آرشون درت پرمق که بحساب تربیی تمش آرشون اوزرینه فوقنده بر عدد کیر اوطه و آبدستخا نه یی مشتمل معلوم الحدود یوز اوتوز درت نومرو ایله مرقم برباب اخشاب مغازه لدی المزایده اون الی بیک بشیوز غروش آلتون آچقه بدل ایله طالبی عهده سنده تقرر ایدرک موقت قرار داده سی چکلمش اولدیغندن اشبو تاریخ اعلاندن اعتباراً اوتوز برکون ظرفنده لاقل یوزده بش ضمیله طالب اولانلرک ودها زیاده معلومات آلتی ایستیانلرک یوزده اون نسبتنده کی دیپوزیتو آچهلرینی مستصحباً بك اوغلی بدایت محکمه سی اجرا دائره سنه مراجعت ایللری و مدت مذکوره ختامنده یعنی شهر نisanنک اوچنجی چهارشنبه کونی ساعت یدی راده لرنده قرار قطعیسی کشیده قلنق اوزره سالف الذکر املاک پیشکاهنده مأموری مواجهه سننده حاضر بولنلری دائره مذکورده دن اعلان اولنور .

بدروس نافلیان افندینک دیران بوزاجیان افندی یه بك اوغلی بدایت محکمه سی برنجی حقوق دائره سی اعلامیه محکوم به دینی اولان معلوم المقدار مبالغت تأمین استیفاسی ضمننده داین موسی الیه نامنه فراغ بالوفا ایله مرهون و فروختی محکوم اولان بوغاز ایچنده بیوکدره قریه سننده کائن بیوکدره جاری دیمکه عریف وقف معلوم الحدود اون الی نومرو ایله مرقم مشتملات سازه یی حاوی مع بوستان چار لدی المزایده بونلردن یالکز چار یکریمی بر بیک و مذکور چارک مشتملاتن اولان معلوم الحدود بوستان دخی الی بیک بشیوز غروش آلتون آچقه بدل ایله طالبلری عهده سنده تقرر ایدرک موقت قرار داده سی چکلمش اولدیغندن تاریخ اعلاندن اعتباراً اوتوز برکون ظرفنده لاقل یوزده بش ضمیله طالب اولانلرک و بوندن زیاده معلومات آلتی ایستیانلرک یوزده اون نسبتنده کی پی آچهلرینی مستصحباً بك اوغلی بدایت محکمه سی اجرا دائره سنه مراجعت ایللری و صوک مزایده علیه اجرا و قرار داده قطعیسی کشیده اولنق اوزره اوتوز برنجی یعنی شهر نisanنک اون برنجی بازار ایرتسی کونی ساعت یدی راده لرنده مذکور چار پیشکاهنده مأموری مواجهه سننده حاضر بولنلری دائره مذکورده دن اعلان اولنور .